



Հայկական գիտահետազոտական հանգույց Armenian Research & Academic Repository



Սույն աշխատանքն արտոնագրված է «Ստեղծագործական համայնքներ
ոչ առևտրային իրավասություն 3.0» արտոնագրով

**This work is licensed under a Creative Commons Attribution-NonCommercial
3.0 Unported (CC BY-NC 3.0) license.**


Դու կարող ես.

պատճենել և տարածել նյութը ցանկացած ձևաչափով կամ կրիչով
ձևափոխել կամ օգտագործել առկա նյութը ստեղծելու համար նորը

You are free to:

Share — copy and redistribute the material in any medium or format

Adapt — remix, transform, and build upon the material



91.99

-83

~~203~~

1

211

Համալսարանի 20-րդ 2011 թ. 20/115

1903 թ. 11.9 NOV 2011

891.99
2-83

357

AA

ԲԱՆԱՍՏԵՂ ԾՈՒԹԻՒՆՆԵՐ

(Փորձեր)



ՀԱՅԿԱՅԱՍՏԱՆԻ ԳՐԱԴԱՐԱՆԻ ԿԵՆՏՐԱԼ ԳՐԱԳՐԱԿԱՆ ԻՆՏԵՐՆԱԿԱՆ ԿՈՄԻՏԵ
ՀԱՅԿԱՅԱՍՏԱՆԻ ԳՐԱԳՐԱԿԱՆ ԻՆՏԵՐՆԱԿԱՆ ԿՈՄԻՏԵ
ՍՊԵՑԻԱԼԻԶՄԱՆ ԳՐԱԳՐԱԿԱՆ ԻՆՏԵՐՆԱԿԱՆ ԿՈՄԻՏԵ
ՍՊԵՑԻԱԼԻԶՄԱՆ ԳՐԱԳՐԱԿԱՆ ԻՆՏԵՐՆԱԿԱՆ ԿՈՄԻՏԵ

Ա Լ Է Գ Ս Ա Ն Գ Ր Ա Պ Օ Լ
Տպ. Ա. Մալխասյանցի: ☆ Тип. А. Малхасянца.
1903

13.04.2013

29.897

Дозволено цензурою, 8 октября 1902 г. гор. Тифлисъ.



3354 84

Ի Մ Տ ՈՒ Ն Ը

Ի մ տունն է այտեղ, այն օտար երկրում,
Որի տէրերն են վիշտն ու տանջանք.
Ուր կեանքն է մեռած, ուր կեանքը տրտում,
Ուր միշտ լսում է նիս ու հառաչանք:

Այնտեղ անլեզու մարդիկ են ապրում,
Զրկուած աշխարհի անհուն բարիքից,
Քաղաքի հարուածը լուռ, անխօս տանում,
Ոչինչ չեն տեսնում բացի արցունքից:

Ցրտաշունչ օրին սառած ու կապտած,
Կուչ եկած շրջում ստուերի նման.
Որպէս կմախքներ ձեռները պարզած
Զոր հաց են մուրում առանց օթեան:

Ես մանուկ կեանքից այնտեղ նետուեցի,
Եւ այնտեղ ուսայ լալ ու հառաչել.
Այնտեղ ես թշուառ կեանքին վարժուեցի,
Եւ ինձ նմանի արցունքը սրբել.....

* * *

Թախծոտ է հոգիս... ո՛հ հասիր մուսա՜
 Վշտոտ երգերի խուլ մօտիւներով,
 Ֆաւատանջ սրտի մեղմ օրօր կարգա՜
 Որպէս մի մանկան վեհ գուրգուրանքով:

Թո՛ղ ես արբենամ, քո թովիչ երգի
 Ֆաւոտ օրօրի լացող ձայնի տակ:
 Կրկին իմ հոգին մաւլ յոյգերի
 Թո՛ղ մի ծով դառնա՜, մի ծով անյատակ:

Օ՛, պատմիր մուսա՜, աղ արտասուքի
 Պրնոտ ու լալկան տխուր հէքիաթներ.
 Քայքայուած սիրտս հանգիստ կ'գտնի
 Վշտի աշխարհում... երգիւր անվեհեր:

Թո՛ղ որ տանջանքի անհուն ովկիանում,
 Ուր որ մշտական թախիծն է տիրում,
 Այնտեղ երազեմ ես լացի աշխարհ,
 Որտեղից խինդը հեռու է փախչում:

Երգիւր, օ՛ մուսա, թէպէտ քո ձայնի
 Թոյն հեկեկանքով զրկես գերեզման,
 Որտեղի նիրհը՝ զազիւր, գարշելի...
 Օ՛, այդ էլ հոգ չէ, երգիւր դու միայն:

ՄՈՒՅՆ Է ՄԵՐ ՇՈՒՐՁ

Մաւլ է մեր շուրջ. ամպամած օրեր.
 Սև տգիտութեան անհուն խաւերում
 Վխտում են մարդիկ, կարօտած սրտեր,
 Սրբազան լուսոյ համար հառաչում:

Եւ ասպարիզում այն վսեմ գործի
 Բազմած են տգէտ, հոգով աղքատներ,
 Ու որպէս տիրող սուրբ ասպարիզի
 Տարածում յավերժ չարութեան սերմեր:

Օ՛, այնտեղ երբէք չէ ժպտում արև.
 Մարդիկը այնտեղ խոր քուն են մտած,
 Նահիճ է աղտոտ, ճահիճ արգարև,
 Ուր որ լուում է միշտ հառաչ ու լաց:

Օ՛ առաջ ընկեր, դէպի այն աշխարհ,
 Որտեղ իդէալներ երբէք չեն ծնւում,
 Այնտեղ քարոզենք սէր ու գաղափար —
 Օգնութեան կարօտ ձայներ եմ լսում:

Ձեռք ձեռքի տուած ազատ համարձակ,
 Խաւարը պատուող երգեր մենք հիւսենք.
 Թնդա՜ խաւարը մեր երգից արծակ —
 Նոցա իդէալի երկիրը ցուցնենք:

Յ Ն Ո Ր Ք

Որպէս մի արծիւ, ազատ ու հպարտ վեհ եթերային,
Միպտակ ամպերի հսկայ կատարից ես երգ եմ հնչում,
Քնած աշխարհին օրօր եմ կարգում, անդորր, մեղմագին,
Եւ մարդիկ դեւեր չուած աչքերով փառքիս նախանձում:

Ու գլխուս վերեւ ծերուկն Աստուած նստած արթուին,
Աշխարհ է դիտում, խրոխտ հայացքով նայում ու ժպտում,
Հրէշտակները շրջան բոլորած, հեղիկ խմբովին,
Երգեր են հիւսում, աղու սրտագին, հզօրին ներբում:

Նայում եմ ներքեւ, գերի աշխարհին, հեռու շատ հեռու,
Ամեն ինչ լռիկ, գլուխ խոնարհած, ինձ է ողջունում
Եւ դե մարդկերանց քունն է վրդովում նոքա սրտաբուղ
Հեզ աղօթքներով իմ վսեմ գահին ջերմ երկրպագում:

1901 թ. 9-ին օգոս Եուսի

Ե Ր Ա Ջ

Ես ազատութեան արնաներկ կուռում
Վիրաւոր ընկած, դեղնած թուլացած,
Շուրջս ռազմի երգեր են հնչում,
Ես հրճում ուրախ մահու գիրկն ընկած:

Եւ ես տեսնում եմ. ալ—վերջալուսին,
Երբ վերջին շողեր գրկում են լեռներ,
Յո ոգևորուած, քնար իմ ձեռին,
Հնչում եմ տխուր լալագին երգեր:

Մարդիկ հիացած յառած աչքերով,
Ովսաննաներով ինձի պսակում
Եւ ես էլ հպարտ, խրոխտ հայացքով
Նայում եմ նոցա և գաղտնի հրճում:

Ողջ արար աշխարհ փառքիս նախանձում:
Մարդիկ ծնկաչոք ջերմ աղօթքներով,
Իմ քղանցքների ծայրերն են պագում,
Եւ ես հրճում եմ ուրախ ժպտով:

Եւ ծաղիկները դիւթուած հիացած
Ջով սօսափում են, անոյշ խնկագին,
Աստղերը երկնից նախանձով լեցուած
Իրանց մոռանում թափում են գետին:

Միայն մի չքնաղ փէրի աննման
Արհամահանքով իմ փառքը ծաղրում
Նա ինձ նայում է, ժպտում հեգնական,
Ես այդ տեսնում եմ... գաղտնի արտասուում:

1901 թ. նոյեմ. 19-ին

* * *

Վեհ ճշմարտութեան մարտիկ եմ արի,
Իմ գրօշակս զուրկ է կեղծիքից,
Անարգ չարութեան հզօր թշնամի
Նա չէ ճկուելու որոտ կայծակից:

Աշխարհը նոյն իսկ թէ իմ դէմ զինուի,
Նեխուած, շաղախուած խորքում մթութեան

Եւ չարութիւնն էլ կատարի յուզուի.
Ես կմնամ զինւոր վեհ ճշմարտութեան:

Ես մարդկանց ընդէմ նորա զէնքերով,
Պիտի մարտնչեմ միշտ յուսով լեցուած,
Աշխարհն ինձ ծաղրէ անարգ ժպիտով,
Նա պիտի լաղթէ. թէպէտ հալածուած:

Մարդիկ չքանան, երկիրն էլ փոխուի,
Ամբողջ տիեզերք իմ դէմ յանդիման,
Սոսկ չարութեան հետ իւր դաշը կապի.
Դրօշս կմնայ կանգուն, անսասան:

Վեհ ճշմարտութեան մարտիկ իմ արի,
Անարգ չարութեան հզօր ախոյեան
Արխարհը նոյն իսկ, թո՛ղ իմ դէմ զինուի,
Ես միշտ յուսառատ կմնամ անսասան

1901 թ. 31-ին դեկտ. Երեւան

Ե Թ Է Ի Ր Ա Ի Է

Եթէ իրաւ է՝ մեռնողի հոգին.
Թեւշու՞մ է դէպ վեր, կապոյտ երկնքում
Նոր կեանք է մտնում. և այնտեղ կրկին
Ուրախ ու անհոգ, երջանիկ ապրում:

Թէ իրաւ, այնտեղ խոտերն են դալար,
Ջրի փոխանակ միշտ կաթ է բղխում.
Երկինքը անամպ, աստղեր անհամար,
Լոկ ծիածանն է շողում շողշողում:

Թէ մարդիկ այնտեղ ծանօթ չեն վշտի,
Անուահման սէր են դէպ իրար տածում
.
Հոգիքը այնտեղ երբէք չեն մեռնում:

Ապա կուզէի մեռնել որ հոգիս
Դէպ անմահութեան տաճարը դիմէր
Կուզէի կորչել այս նենգ աշխարհից,
Որ հոգիս այնտեղ յաւիտեան ապրէր:

1902 թ. 4-ին յունուարի. Երեւան

Գ Ի Շ Ե Ր Ո Ւ Ա Յ Ժ Ա Մ Ի Ն

Համայն բնութիւն խոր քուն է մտած
Ամեն ինչ նիրհում խաւարի գրկում.
Վերև ժպտում է ձերուկն Աստուած,
Ներքևում մարդիկ երազ են տեսնում:

Ես միայն անքուն, մէջ կէս գիշերին,
Քունն իմ աչքերից հեռու է փախչում.
Սիրտս վառւում է և կրծքիս տակին
Այրող սև վշտեր չարաչար վխտում:

Նանի, այդ քնչ ես նայում իմ դէմքին
Այդ քնչ սրբերի անուն ես յիշում.
Օ, խենթ ես կարծում քո սիրած բալին
Չար ոգիներին նզովք ես կարգում:

Իմ դարդը ջսկ է զուր ես աղօթում,
Տես, սիրտս կրակոտ այրւում է, վառւում.
Նանի, խեղճ նանի, անմիտ աղօթքով,
Անհուն վշտերիս վերջ տալ ես ուզում:

Հեռու, շատ հեռու, սարերի ետև
Այն չքնաղ կոյսն է իմ սիրտը այրում—
Նորանից գատուած չկայ ինձ արև.
Ձկայ սփոփանք քո աղօթքներում:

Խաւար է տիրում համայն աշխարհին,
Մարդիկը այնտեղ երազ են տեսնում
Իմ սիրտը միայն, դարդոտ, լալազին
Անքուն՝ օձի պէս, տանջում գալարում:

1902թ. 10-ին յունուար, Երեւան

* * *

Ախ, կուզէի ես մեղմ նիրհել, վառ աստղերի լուռ ցանցում
Աշխարհային ցաւից, հոգսից իսպառ կտրած իմ հոգին.
Հոգիս թաղուած եթերական անուրջների ովկիանում.
Թող ինձ գրկէր դիւթիչ քունը մեղմագին:

Իմ չորս կողմը պար բոլորած. հրէշտակներ խմբովին
Եզեմական անոյշ երգեր ինձ երգէին մշտական,
Քս հրճուէի գլուխս յենած մարմար լուսնի վեհ գահին,
Ապա լայի, արտասուէի, նման անհոգ մի մանկան

Որ զեփիւռը մրմնջալով, մեղմիկ ինձի օրօրէր.
Աստղերի հետ զրոյց մտած ես երազներ տեսնէի,
Որ իմ հոգին գէթ երազում դիւթիչ բոլոր վայելէր
Կախարդական այն աշխարհում արտասուէի նիւ, լայի...

1902 թ. 18-ին մարտի Երեւան

Յ Ն Ո Ր Բ Ն Ե Ր Ե Ւ Է Ր Ա Ջ Ն Ե Ր

(Օբօլենսկի)

Սիրելի ընկեր, դու ասում էիր, որ ցնորքներն են
Կեանքը զարդարում և դու ապրում ես լոկ նոցա համար
Որ առանց նոցա սոսկ ստույթիւն է մեր կեանքը արար,
Ծաղկանց պսակից խաբուսիկ հրճուող լոկ ժպիտներն են:

Ես ամսոսում եմ քո ջահել հոգուն տանջուած չարչարուած
Երբէք, օ, երբէք չ'պիտի Կտենք մեր կեանքը դաժան,
Որի մէջ խիզախ մուտք են գործել տանջանքն ու լաց,
Որոնք կազմում են նորա պսակը վեհ կախարդական:

Կեանքն է ամեն ինչ, միայն պիտոյ է ղեկավար իդէալ
Ով որ կուրացած վառ ցնորքների մուլթ մառախուղից
Իսպառ կոխոտէ վարդ ծաղիկները այս կեանքի գրկից
Նա պիտ կորցնէ այն հրաշալի վեհ ղէկը իդէալ:

Օ, նա ցնորք չէ, նա թարմ ծաղիկ է՝ բուսած հաստ բնին
Նոյն հէնց այն կեանքի. վեհապանծ հսկայ որպէս և աշխարհ
Իսկ ցնորքները... այդ երազներն են... ապրել անդադար
Այդ ցնորքներով. ասել է նորից շինել մի բագին

Շուշի



Մ Ո Վ Ի Ա Փ Ի Ն

Նիրհում է ծովը, նիրհում մեղմագին,
 Երկչոտ խաւարի գունաթափ գրկում.
 Նիրհում է խաղաղ նայում երկնքին,
 Փայլող աստղերը անխռով համրում:

Օ, որքան վսեմ և կախարդական
 Հանգիստ է նիրհը այն գիշերային.
 Անուրջք և երազ և խոհեր մահուան...

Ծով, բաց արան գիրկդ, թող որ ես նետուեմ
 Քո պաղ խորքերում անհուն ջրերում,
 Անդարտ ծոցի մէջ յաւիտեան նիրհեմ,
 Ամբողջ էութեամբ թաղուած անուրջում:

Գիտեմ, քո ծոցում ընդմիշտ են խեղդուում
 Մարդկան կեանքի հետ ցաւ ու հառաչանք,
 Եւ կասկածը ժանդ հոն չէ սպանում
 Բողբոջուն, մատաղ, դեռափթիթ մի կեանք:

Հոն՝ քո ծոցի մէջ չկան արցունքներ
 Աղի հեղեղուած անքուն գիշերի.
 Ա՛խ, հոն չեն լսում լալկան մրմունջներ
 Կեանքից բեզարած անբաղդ թշուառի:

Բաց արան գիրկդ, թող որ ես նետուեմ
 Այս գաղտնի պահուն, երբ ցաւ ու վշտեր.
 Լռիկ նիրհում են... թող ես էլ նիրհեմ,
 Հոն քո ջրի մէջ ամենքից դատուած:

Նիրհեմ, օ, նիրհեմ:

Որ արշալուսին պլպլան արև
 Ալիքի վերան գտանէ իմ դին,
 Որպէզի, օ, ծով, էլ այսուհետև
 Սև վիշտ չտեսնէ իմ մատաղ հոգին:

Որ դողդողալով քո սառն ալին
 Երկչոտ օրօրով, թախծոտ մրմունջով
 Դէպ՝ ափ շարտէ իմ քարացած դին
 Յուղարկաւորէ սրտառուչ ողբով:

Բաց արան գիրկդ, հանգիստ եմ ուզում,
 Կեանքից բեզարած իմ ծերուկ գլխին.
 Երկնից երազով նիրհել եմ ուզում
 Քո սառն ծոցում ալիքի կրծքին....

1902 թ. մարտ 28-ին Էջմիածին

* * *

Մի լար իմ չքնաղ, մի լար իմ անգին,
 Փշրած յոյսերի անապատ գրկում.
 Հոգով անձնատուր դառն վշտերին
 Սիրտդ ալեկոծ անվերջ փոթորկում:

Գիտեմ, արցունքով կուզես մի վայրկեան
 Հպարտ անցեալի յուշերը գրկել
 Երջանիկ կեանքի դժնդակ վախճանն
 Աղի յուսահատ արցունքով յիշել:

Օ՛, եթէ չլինէր արցունքը կեանքում
 Ի՛նչ պիտի անէր ցաւատանջ հոգին,
 Ի՛նչ պիտի անէր խեղճը աշխարհում...
 — Արցունքը դեղ է վիրաւոր սրտին:

Մի լար, իմ չքնաղ, նա գնաց աւդէն
 Հեռուում ծածկելու անամօթ գործեր,
 Նա խաբէութեամբ քաղեց քո սրտէն,
 Մատղահաս կեանքի բոյրն ու վայելքներ:

Նա քեզ մօտ չեկաւ սիրոյ ծարաւով,
 Էւ քեզ չէր սիրում անկեղծ ու վսեմ
 Նա քեզ համբուրեց լժէ դիմակով,
 Ապա ձգգելով նայեց ժպտադէմ:

Մի լար իմ չքնաղ, մի լար իմ անգին
 Փշրած յոյսերի յուսահատ գրկում,
 Հոգով անձնատուր դառն վշտերին
 Սիրտդ ալեկոծ յուզում, փոթորկում:
 1902 թ. 18-ին ապրիլի երեսուն

* * *

Ա՛խ, մի հարցանէք. թէ ո՛ր եմ դիմում,
 Կեանքի ծարաւով հոգիս պապակած,
 Փշրած յոյսերի տարափն իմ սրտում,
 Վհատ ամպերը ճակտիս կուտակուած:

Ո՛չ ես չեմ գիմում գարնան պերճ գրկում
 Երջանիկ, փարթամ, անհող ապրելու:
 Ոչ պատանեկան խանդ ցնորքներում,
 Ամպերից վերև վառ երազելու:—

Ճակատս զուգած կեանքի խորհրդով,
 Գէպ անապատն եմ անդադար դիմում...
 Անձնագոհութեան սրբագան մտքով.
 Թշուառի լացն է սիրտս փոթորկում:

Գիմում եմ այնտեղ. ազատ կռուելու
 Ճշմարտութիւնը թե թիկունք առած
 Գնում եմ այնտեղ կեանքս զոհ տալու
 Արդարադատութեան անաչառ անուան:

Գնում եմ լալու և հառաչելու,
 Հիւանդ եղբորս խոնաւ խրճիթում.
 Գնում եմ այնտեղ արցունքի ծովում,
 Վշտի աշխարհում լալու ողբալու:

1902 թ. 1-ին մայիս

Մ Ե Ն Ա Ռ Օ Ս Ո Ւ Թ Ի Ի Ն

Բայց քնչ, ես երթամ խոր գլուխ տալու,
 Հոկայ կեղծիքի անարժան գահին.
 Երթամ կեղծիքի առաջ փռելու,
 Կեանքի աւետիք դալար ձիթենին

Մարդիկ խեղկատակ կեանքի սուրբ բեմին
 Անարժանութեամբ պղծում ամեն բան,
 Քոռու անամօթ դիմակներ ճակտին,
 Ցանում աշխարհում սերմեր մոլութեան

Ահա՛, այդ մարդիկ ուզում են այսօր
 Անարդ ձեռքերով շղթաներ դնել
 Իմ ազատ սրտի ազատ յոյգերին,
 Եւ ազատ միտքս ընդմիշտ կաշկանդել:

Աւզում են այսօր նենգութեամբ խեղդել,
 Բարձր զօղանջը ազատ երգերիս
 Եւ արգար ձայնս անհետ կորցնել
 «Ստրուկ» գրողմել համարձակ ճակտիս

Բայց ո՛չ... օ, երբէք, երբէք չեմ կարող.
 Ճշմարտութիւնը ոտքի տակ ձգել,
 Խղճի տարափը խեղդել լուութեամբ
 Եւ ինչո՞ւ-ինչո՞ւ... որպէս զի ապրել...

Որպէզի ցածութեամբ և ստոր հոգով,
 Լիզել կեղծիքի տիտան պատուանդան
 Ստրուկ էութեամբ ստրուկ խոհերով
 Ապրելու համար լինել ախոյեան
 Վեհ ճշմարտութեան:

Ուրեմն եկէք, մարդիկ հրէշներ,
 Խիզախ գլուխս ծաղրով գուգելու.
 Եկէք կանգնած եմ անվախ, անվեհեր,
 Ձեր կարող գահին ես էլ ծաղրելու:

Բայց ա՛խ, իմ ծաղրը-արցունք է աղի,
 Եւ իմ քրքիջը գթութեան նշան.
 Ես քեզ ներում եմ, մարդկային հոգի,
 Թէպէտ լկտի ես. թէպէտ անարժան:

1902 թ. 7-ին մայիսի երեսն.



*
 *

Էհ, մնաս բարով, արդէն իմ սրտում
 Հրդեհուած սիրուդ կայծերը մարան.
 Տանջանքի բովից ես գուրս եմ գնում
 Դէպի անհոգ կեանք, գիրկ երջանկութեան:

Ես պիտի մոռնամ աչերիս ցօղած
 Սրցունքի հեղեղ, ծով կտրած շիթեր.
 Ես պիտի մոռնամ վշտով անցուցած,
 Տանջանքի ժամեր, անքուն գիշերներ:

Եւ այնտեղ, այնտեղ, հեռու քեզանից,
 Սև մոռացութեան կենսատու գրկում.
 Այ ծաղիկների խնկահոտ բոյրից,
 Ես կարբենամ նոր սիրույս գրկում:

Եւ այնտեղ նորից կը վերածնեմ,
 Իմ մէջ քարացած գողտրիկ վեհ երգեր.
 Այնտեղ ես կեանքի սաղմեր կ'հիւսեմ,
 Աշխարհի համար փրկարար սաղմեր:

Դէհ, մնաս բարով. արդէն իմ սրտում,
 Հրդեհուած սիրուդ կայծերը մարան.
 Տանջանքի բովից նոր կեանք եմ մտնում,
 Կենսատու գիրկը խուլ մոռացութեան

25 փետ. 1902 թ. երեսն



3354-84

* * *

Բայց ոչ... ես ծնայ վշտերի ծովում,
Հեռու աշխարհի փարթամ խնջոյքից,
Ամայի կեանքի անապատ դրկում,
Մի ամպոտ երկրում, մուսյլ փշալից:

Խաբուսիկ աստղի նենգ փայլից դիւթուած,
Փարթամ յոյսերով առաջ գնացի.
Դաժան պատկերով կեանքը իմ դիմաց
Ահեղ քրքջաց... շուար մնացի:

Հոգիս յուսահատ, սիրտս խորտակուած,
Մտքերս գունատ խինդ բաղդի մասին,
Որպէս դաժան դե ամենից զատուած
Ապրում եմ, ինչո՞ւ... Ինչ փոյթ աշխարհին:

Ապրում աւերուած, դառն վիճակով.
Երջանկի մասին դողդոջ խորհելով.
Տհաս, անտեղեակ կեանքի խորհրդին,
Ապրում եմ ինչո՞ւ... Ինչ փոյթ աշխարհին:

Ցաւատանջ էակ, անցեալ երազով
Ապրի՛ր միշտ չարքաշ, միշտ յուսահատուած.
Ապրի՛ր միմիայն յուսահատ երգով,
Վշտերի ծովում ամենից զատուած:

* * *

Անողոր կեանքի վայրագ ժպտի դէմ
Զգայուն սիրտս բեկ-բեկ խորտակուեց.
Զուգուած աշխարհը անարգ, թխպադէմ
Սեւացաւ զլիսիս, ինձ խոժու նայեց:

Ծաղկած յոյսերի փարթամ պարտիզում,
Վարդ ցնորքների բոյրից արբեցած,
Դէպի երջանիկ կեանք էի դիմում,
Քիզախ ու խանդոտ դրօշս պարզած:

Ես վարդ սիրեցի, գեղ կոյս սիրեցի,
Եւ հոգիս ապրեց մեղմ անուրջներում.
Բայց անի, շատ շուտով նբանց ատեցի,
Սեւ վիշտ բուն դրեց իմ մատաղ կրծքում:

Եւ ջահել կեանքիս գարնան օրերին,
Վշտի սեւ ամպեր մէկէն պատեցան.
Եւ սիրտս ընկճուեց նոցա դիմացին,
Ա՛խ, վարդ յոյսերս շատ վաղ թոշնեցան:

Անողոր կեանքի վայրագ ժպտի դէմ,
Զգայուն սիրտս բեկ-բեկ խորտակուեց.
Զահել խորշումած, ծերուկ տխրադէմ,
Կեանքի նոր խորհուրդ ինձի պսակեց:

Խ Ո Յ Ե Ր

(հասուած)

Խորին գիշեր է. նիրհում է աշխարհ
Գիւթափայլ լուսնի լոյսից հեղեղուած.
Ձորում երգում է ուռին անդադար,
Ծաղկունք սօսափում մեղմիկ ու կամայ:

Խոխոջուն առուն յտակ մրմնջում.
Յամբ դողում են ծառի տերևներ.
Աշխարհը անդորր ու գաղտնի հրճում,
Եւ իմ ականջին խօսում են հովեր:

Քնիր՝, քնիր. ծանր մտքերից
Հեռացիր իսպառ. քնիր, երազում
Գու ելք կ'գտնես տաղտուկ խոհերից,
Դուն էլ քուն մտիր, աշխարհն է նիրհում:

Քնիր, որ ուժեղ վաղ առաւօտեան,
Կեանքի խորհրդով պսակուած զարթնես.
Քնիր, որ վաղը հերոսի նման,
Թշուառի լացին ունկնդիր լինես:

Կեանքի խորհուրդն է. խեղճի արցունքներ
Գութ կարեկցաբար սրբել աչքերից.
Սիրել թշուառի լաց ու մրնունջներ,
Նոցա երգերը թախճոտ վշտալից:

Գիտեմ, դողում ես այս փշոտ ճամպի
Սկզբին կանգնած, հոգով սարսափում.

Օ՛ մի վհատիր, մացառոտ ճամպի
Սուրբ յաղթանակը դափնեայ է տրոււմ:

Լացիր թշուառի լալկան վշտերով,
Հեղեղի նման թափիր արցունքներ.
Այդ լացից լետոյ անհուն հրճուանքով
Սիրտդ կը խնդայ ազատ, անվեհեր:

Ծանր է խաչը... տատասկոտ կեանքի,
Փշոտ ասպարէզ, խաւար դժնդակ.
Մեռած է շուրջդ, առանց արևի,
Անվերջ լսում ես սղբ սւ հառաչանք:

Բայց նիս, խոնջացած գործերի վերջին,
Հոգով պապակած վեհութեան գրկում.
Պիտ հանգիստ առնես դափնիք քո ճակտին,
Խոհուն, երազուն... աստղերի ցանցում:

24-ին մարտի 1902 թ. Երեւան

Ն Ո Ւ Ե Ր օր. Մ. Շ-ին

Սիրում եմ ես քեզ, որպէս իմ ընկեր,
Կեանքի դժուարին նեղ բոպէին.
Որպէս զինակից խանդոտ անվեհեր,
Ծանր կռուի մէջ, փոթորկի ժամին:

Երբ որ ամենից իսպառ թողնուած,
Յուսահատ, տրտում, կեանքից ձեռք քաշած
Ես մահ կրկանչեմ հոգով ցաւատանջ,
Ահա՛ այն ժամին կանգնելի իմ առաջ:

Քո նուրբ շրթունքով խրախոյս կարգւն
Կեանքի հարուածած անբաղդ նաւակին,
Որ էլ յոյս չունի ոչնչի վերայ,
Որ չէ հաւատում մարդկանց, աշխարհին:

Գիտցիր, իմ անգին, որ սիրտս նորից
Անվհատ կռուի տենչով կըվառուի.
Յայնժամ ես հզօր կլինիմ, սիրելիս,
Եւ կեանքը ծանր ինձ չի երևի:

1-ին յուն. 1902 թ, Երեւան

Ն Ո Ւ Է Ր օր. Մ. Ե-ին

Ես յոգնած էի, կեանքից խոնջացած,
Սիրտըս-թոյլ գարկում, երկչոտ բաբախում,
Որպէս վիրաւոր վանդակում փակուած,
.

Ես յոգնած էի, կեանքից խոնջացած,
Մենակ, անընկեր լայնարձակ կեանքում.
Ամենից ատուած, ամենից գատուած,
Փշրած յոյսերի տարափն իմ սրտում:

Որպէս ուրուական դռնէ-դռու ընկած,
Ես շրջում էի առանց նպատակ.
Լալկան, յուսահատ ու շաշտս կոտրած,
Վարդ ցնորքներից սիրտս աւերակ:

Ես եկայ քեզ մօտ, յուսահատութեան,
Սրցունքն աչերիս, և լալիս էի

Որպէս մի մանուկ, սև մոռացութեան
Կարօտ էր հոգիս և սփոփանքի:

Դու գիրկդ առար անսահման սիրով,
Եւ փայփայեցիր որպէս մի մանկան.
Կրճքիդ սեղմեցիր անզուսպ կարօտով
Եւ ես նիրհեցի գրկում թովչութեան:

Դու ինձ ասացիր. «Կռուիր անվհատ
Կեանքի տմարդի, արնաներկ կռուում.
Ճշմարտութիւնն է աշխարհում ազատ,
Նա է փոթորկում յաղթանակ տանում»:

Յանկարծ շուրթերդ զիպան իմ ճակտին,
Ինձ պսակեցիր խրախոյսի համբոյրով,
Ես քաջալերուած համարձակ կրկին
Դրօշս պարզեցի կռուի փափագով:

2-ին յուն. 1902 թ. Երեւան



Դ Ա Մ Բ Ա Ն Ն Ե Ր

Լուռ դամբանները ննջում են մեղմիկ,
 Գիշերուայ թանձր, մռայլ խաւարում.
 Այնտեղ խոր քնով քնում են մարդիկ,
 Մայր հողի կրծքում հանգիստ են գտնում:

«Հայրեր, իմ հայրեր, ձեր քունն անխռով,
 Որպէս մի անփորձ, խանդոտ պատանի
 Ես ապագայի զինուոր քաջարի,
 Ձեմ ուզում դատել իմ անփորձ խելքով:

«Ես կամիմ լսել և ձեր խորհրդին,
 Գուք մեզնից առաջ եղաք աշխարհում.
 Գուք մօտ ծանօթ էք աշխարհի բանին,
 Ի՞նչ է մեր կեանքը, թէ՛նչ կայ երկրում»:

Հսկայ քարերը կամաց շարժուեցին,
 Հողը պատառուեց և նորա կրծքից
 Չորցած կմախքներ դուրսը թափուեցին,
 Եւ ես լսեցի նոցա բերանից.

«Մութ է մեր կայան, խաւար մեր ուղին.
 Մենք շքեղ կեանքից անմաս մնացինք.
 Սև հողը նոյն իսկ մեր ոսկրներին
 Չի թողնում երբէք, որ հանգիստ պառկին»:

Այնտեղ աշխարհում մենք հէջ չիմացանք,
 Թէ թէ՛նչ է կեանքը և թէ՛նչ է աշխարհ,
 Ինչպէս ծնուեցինք, այնպէս էլ մեռանք,
 Կեանքում ապրեցինք, նորան չիմացանք:

«Մենք նման դալար դաշտի դեղ ծաղկին,
 Չուգուած աճեցինք անպտուղ չորցած,
 Կրկին պառկեցինք երկրի գոռ կրծքին,
 Մեր կեանքն էլ շուայդ և ապականուած:

«Աշխարհը կեանք է և կեանքը օղակ
 Դառն տանջանքի, անհուն վշտերի.
 Նա դարդ է, այն՝ դարդ է բովանդակ
 Անփորձի համար խիստ սարսափելի:

«Եւ այդ վշտերի անսահման ծովից
 Երջանկութիւնը հեռու է փախչում
 Մարդ վարդ յոյսերով իւր մօր արգանդից
 Միշտ հիասթափ է գերեզման իջնում:

«Բայց կեանքում միայն մի մեծ սփոփանք,
 Սրբազան գործն է դառնութիւններին
 Փշրում, խորտակում, կեանքը դորանով
 Թեթև է, քաղցր ու մեր սիրելին:

«Բայց եթէ նորից իրաւունք տային
 Զահել ծնանել և նորից ապրել,
 Մենք այն ժամանակ տաղտուկ աշխարհին
 Մեր վերջին մնաս բարեաւ կուտայինք:

«Մենք կրստեղծէինք մի նոր վեհ աշխարհ,
 Որի երկինքը լինէր զարդարուած.
 Իւր ծիածանաց գեղուշ ցուլքերով
 Երկիրը անլեռ և մարդիկ Աստուած»:

Լուռ դամբանները ննջում են մեղմիկ,
 Գիշերուայ մռայլ թանձր խաւարում.
 Այնտեղ քնում են անհամար մարդիկ,
 Եւ նոյ աշխարհի համար երազում...

2-ին դեկտ. 1902 թ.

*
 *
 *

Ո՛վ է ճանաչում վշտերի ծովից
 Յարութիւն առած անբաղդ թշուառին,
 Արցունքն աչերին, կնճիռներ ճակտին,
 Մըջում դռնէ-դուռ ատուած ամենից:

Նա իմ եղբայրն է... Անտէր, անպաշտպան...
 Չոր հացի կարօտ հիւանդ ու քաղցած.
 Գողգոջ մօտենում հարուստի դռան,
 Լոկ հաց է մուրում ձեռները պարզած:

Եղբայր իմ անբաղդ, եղբայր իմ տանջուած,
 Տօր դու անտրտունջ վճիռը բաղդի.
 Հոգ չէ, հարուստը կեանքից լըղփացած,
 Քեզ անվերջ պիտի մատնէ ծաղրանքի:

Շուշի

ՇՐՋՈՒՄ ԵՄ ՄԵՆԱԿ

Մըջում եմ մենակ ընդարձակ դաշտում,
 Շուրջս ամեն ինչ հանդարտ սև անդորր.
 Հարհանդ ու մարմանդ զեփիւռ չէ սուլում,
 Բնութիւն նիրհում լուռ խորհրդաւոր:

Յստակ վտակներ արծաթ ցոլմունքով
 Ալ ծաղիկների լանջը թաց անում.
 Թարմ-թարմ տերեւներ մեղմիկ դողալով
 Բնութեան նիրհին օրօր են կարգում:

Աստղերը պայծառ կապոյտ կամարում
 Շողում են. մարում նազկան ժպիտով.
 Մըջան բոլորած անձէն զրուցում,
 Աշխարհ են դիտում անհուն բերկրանքով:

Ողջ-արար աշխարհ ականջ է դնում
 Բնութեան գաղտնի լռիկ մրմունջին.
 Հոգիս հրճում է թովչութեան գրկում,
 Քաղցր անուրջներ պատում մեղմազին:

Շուրջս ամեն ինչ վեհ, կախարդական,
 Ամեն ինչ դիւթիչ՝ և կեանք, և աշխարհ.
 Ա՛խ, ես ուզում եմ ապրել լաւիտեան,
 Ուզում եմ ապրել վեհութեան համար:

Բայց անի, իմ սիրտը.— ապստամբ էակ—
 Այնտեղ սև մահուան խորհուրդ է խորհում.
 Օ՛, նա ծաղրում է բնութիւն և կեանք,
 Մարդկանցից անտես ծաղրում ու տանջում:

6-ին փետ. 1902 թ, Երեւան

ԵՍ ԵՐԳՈՒՄ ԷԻ

Ես երգում էի լռիկ գիշերին
 Վշտացած հոգու մրմունջը գաղտնի.
 Ձառ-վարդ ծաղիկներ, աստղեր ու լուսին,
 Ուկնդիր էին իմ հէգ երգերին:

Ես ծաղիկներից ու լուսնի ժպտից
Մի փունջ հիւսեցի շքեղ ու փարթամ.
Իսկ նոցա միջին իմ վիշտ երգերից
Մի հատիկ դրի, որ քեզ ընծայ տամ:

Փունջը իմ ձեռքից դու առիր սիրով,
Այ ծաղիկները մեղմ փայփայեցիր,
Սակայն վիշտ երգս այնտեղ տեսնելով
„Վշտի կարօտ չեմ“ մէկէն գոչեցիր:

31-ին Յուն. 1902 թ.

* * *

Հէյ, բլբուլ ջան, էդ ո՛ւր եկար,
Մեր աշխարհում վարդ չ'կայ.
Վարդի համար մեզ հիւր եկար.
Բայց ախ, մեզ մօտ վարդ չ'կայ:

Արեան ծովում վարդը թոշնեց,
Սուր-սուր փշեր մնացին.
Խորունգ ցաւից երգը ճնշուեց,
Ծառ ու ծաղիկ թոշնեցին:

Բահարն եկաւ, օրը բացուեց,
Հաւքեր մեզի սուգ բերին.
Դերեզմանի դուռը բացուեց
Մարդիկ արիւն լացեցին:

Արևելքից արևն ելաւ.
Ոսկի ցողեց աշխարհին,

Արիւն տեսաւ, շիւան տեսաւ,
Ամպի ծոցում չքացաւ:

Քար ու քարափ մուռ մուռ լացին,
Խինդը լռեց աշխարհին.
Ձու ու չիման աւազ դառին,
Երկինք մթնեց մեր գլխին:

Հէյ, բլբուլ ջան, էդ ո՛ւր եկար,
Մեր աշխարհում վարդ չ'կայ.
Վարդը թոշնեց արեան ծովում,
Վշտի ծոցում վարդ չ'կայ:

23-ին մայիսի

Անձրևն անցաւ. լուրթ կամարում
Անոյշ-անոյշ պլպլալով.
Ծիածանն է ցոլցլում,
Հազար ու բիւր գոյններով:

Աղջի արի, ելնենք, գնանք,
Հեռու, հեռու, քայլով մեղմիկ.
Անոր տակով մենք անց կենանք
'Իու տղայ դառ, ես աղջիկ*):

Ես հօ, քեզ պէս նազ չեմ անի,
Դու նազկան ես, նազ աղջիկ,
Էրուած եարին ես չեմ մերժի
Նորա խնդրած մի պագիկ:

1902 թ. Շուշի

*) Հայ գիւղացոց մէջ աւանդուրիւն կայ, որ իբր քէ ով որ ծիածանի սակով
անցնի սեւր կը փոխի:

ՓՈՒՆԱԿՐ. ՆԱԿՍՕՆԻՑ

Շուրջդ գիշերուայ ստուերներ ընկան,
Խորին լուութեամբ գրկուած է այգին,
Թուփ ու ծաղիկներ խնկահոտ գարնան
Անոյշ փափկութեամբ քնում մեղմագին:

Լացող ուռիներ դալար ճիւղերով
Ննջումեն ճկուած լճակի վերան.
Երկինքը զուգուած պայծառ աստղերով
Ներհող դալկութեամբ վառուում աննման:

Քնիր խոնջացած, հիւանդոտ, մաշուած,
Քնիր մոռացուած, չարքաշ վիճակով,
Դառն վշտերով սիրտդ համակուած,
Ծանր կուռից յետ ընկճուած հոգով:

Թող որ յաւիտեան անխիղճ կասկածի
Վերջին իսկ կայծեր մարեն քո սրտում.
Գաղտնի բեկրանքով վառ տեսիլների
Անյայտ խմբերը ընդգրկեն քեզի:

Թող, որ քո հոգին թովչութեան գրկում
Մեղմ անուրջներով թախճոտ երազի
Այդպէս վերացած անյայտ եզեմում
Միտքդ սանձարձակ անվերջ թափառի:

Շուրջդ ամեն ինչ նիրհում անխուով,
Թովչութեան գրկում դու էլ քուն մտիր.
Աշխարհն է նիրհում, նիրհում անվրդով.
Դու միայն անքուն. Քնիր, երազիր:

*
*
*

Մայրիկ, հիւանդ եմ, գեղնած, դալկահար,
Այրուամէ կուրծքս, կրակ է վառուում.
Անշէջ կրակի բոցերն անդադար
Հոգիս լափումեն... և ես հառաչում:

Մայրիկ, մեռնումեմ օտար երկրում,
Զրկուած գգուանքից քաղցր մայրական,
Ղարիբ աշխարհում, օտարի դռնում,
Ես վիզս ծուած, խեղճ, անտիրական:

Ո՛վ պիտի գրկէ քո սիրած բալի
Անշունչ գիակը սառած ու կապտած՝
Ո՛վ արցունք թափէ զարիբիս վերայ,
Ո՛վ կրծքին սեղմէ կարօտով լեցուած:

Ո՛վ պիտի լուիկ գիշերուայ ժամին
Սառ գերեզմանս գրկէ, համբուրէ,
Կոկոն թառամած քո սիրած բալին
Օտար աշխարհում ո՛վ պիտի յիշէ...



* * *

Ինձ մի սփոփիր, իմ սիրտը արդէն
Յուսահատութեան խորունգ գրկի մէջ
Մեղմիկ նիրհումէ. յոյսը իմ սրտէն
Ա՛խ հեռացել է... էլ չի գայ լաւերով:

Ես պատանեկան խանդոտ երազներ
Մեղկ բեկորներով շուրջս ցրուեցան.
Սիրտս ամաչի, օ, սիրտս աւեր,
Էլ ինձ համար չէ խինդը բերկրութեան:

Յուզերով հարուստ իմ միտքը քնքոյշ,
Մարդկանց թոնաւոր ձեռքով աւերուեց.
Հատել է եռանդ, էլ չ'կայ աշխոյժ,
Կեանքը ինձ համար այլ աշխարհ բացեց:

Միտքը կարող է նորից լարուցւել,
Իղձերը կրկին ծաղկել, բողբոջել.
Բայց վարդ յոյսերը ընդմիշտ են փշրուում
Նորքա չեն կարող նորից նոր փթթել

Ինձ մի սփոփիր, տես, դաժան կռուում
Նետ եմ ստացել կրճքիս մէջ ցցուած.
Հագչումեմ ահա, քանի իմ սրտում
Սրբազան յուսոյ աղբիւրն է ցամքած:

4-ն Յուլիսի.

* * *

Հեծեծացի եւ գնային արտասոյժ.
Եւ անխիճ զի փերսդին այսօր սուգ.

Խ. Վ. Գալաթայեանց:

Ասում են՝ պոէտ ինչո՞ւ միշտ լալկան
Յաւատ հնչում ես տխուր մեղեգին,
Ինչո՞ւ չես երգում դու կախարդական
Սիրոյ երգերից... անոյշ, մեղմագի՛ն...

Երգիր մեզ համար խինդ ու ժպիտներ...
Երգիր վարդ ծաղկունք խնկաբոյր գարնան...
Խանդոտ, մրայօն կուսի սե աչեր...
Երգիր խնդութիւն անհուն բերկրութեան:

Բայց ես թնչ երգեմ... երբոր իմ հոգին
Վաղուց արիւնոտ փոշիով պատած.
Ընդմիշտ անձնատուր դառն վշտերին...
Յաւիտեան չարքաշ, բեկ-բեկ խորտակուած...

Բայց ես թնչ երգեմ, իմ շուրջը երբոր
Լժէ դիմակներ մարդկային ազգի...
Արիւնոտ հառաչ, լացե ամեն օր
Յուսախար մըմունջ... տանջուած մարդերի...

Ա՛յլ է իմ երգը, նա կոշտ կսկիծէ,
Տանջուած մարդկութեան կրճքից արձակած,
Որոնք տարաբաղդ, որոնք միշտ թշուառ...
Լալիս են անզօր, վիզները ծռած...

Որոնք դարերի բիրտ շղթաներով,
Ամուր կապկապած իրանց միտք, հոգին,
Հոկ թշուառութեամբ, աղի արցունքով...
Կամին ազատուել, ապրել միասին...

Որոնք դարբնում մարդկային հոգին,
Անարգ խաւարի, մթութեան գրկում...
Չազիր մտքերի պսակ ճակտերին...
Մարդկանց զթութիւն և սէր քարոզում:


Որոնք չլփացած կեանքի խնջուքից,
Վեհնու վսեմը կոխում, ցեխոտում.
Նշմարտութիւնը հալածում կեանքից...
Անարգ չարութեան սերմեր են ցանում:

Արցունք ու լացը հեգնում, ծիծաղում,
Լկտի, ամբարիշտ, վայրագ ձեռքերով
Մարդկային խաղաղ կեանքը թունոտում
Եւ իրանք հրճում զիւային ժպտով:

Երգս հառաչէ...արցունքով ցողած.
Նա կը վրդովէ ձեր խաղաղ հոգին.
Եւ ձեզ, թշուառներ, ամենից խաբուած...
Նա մօտ կտանէ արցունքի որջին:



ՀՀ Ազգային գրադարան



NL0339805 //

29.897